

# Gazzetta da Scuola

1 / 2020  
schner, 5. annada



prüma classa a Sent



prüma classa a Ftan

prüma classa a Tarasp



prüma classa ad Ardez



prüma classa a Scuol

## Bainvgnüts...

Corina Aebi, Mic Andri, Lino Bischoff, Lino Caprez, Lauri Dal Ponte, Aurora Dosch, Olga Cruz do Vale, Pedro Jesus Dos Santos Barbosa, Maria Joao dos Santos Freitas, Lia Erni, Abel Henrique Ferreira Araujo, Leonardo Ferreira Goncalves, Enrico Filli, Jakob Simeon Fretz, Fadri Hauser, Liora Johanna Hofstetter, Corsin Holfeld, Marietta Könz, Alexandra Lo Tufo, Corsin Loher, Milena Mair, Leandro Mendes Moura, Anisha Flurina Rosalie Merchant, Milena Monterio Santos, Mariana Morais Pereira, Gianna Müller, Lina Margrit Mutzner, Elena Nemeč, Lara Pfranger, Ariana Quintela Pinheiro, Livio Rauch, Geremia Schudel, Max Schulze, Hendrik Giuseppe Scua, Paul Siller, Tim Stöckenius, Levi-Andri Taverna, Sina Trottmann, Damian Vonlanthen




# NOVISCO

## HOZ SUN EU



furtünà



stut e star cun la bocca averta



buondrius



surprais



superbi



nosch



tmüch,  
chajus



grit



sainza pissers

Cun agüd da las cartas da peschs da Mies van Hout ans vaina dumandats co chi'ns va pel mumaint. Quai ha dat vöglija a la 1./2. classa da pitturar svesa peschs da sentimaints. Quia suna!

Il pes-char! Ün pesch grit, chajus, curaschus, schiglius, superbi, leid e cuntaint!  
Ün trist ed ün plain lungurella. Quintar da mumaints cha nus resentivan.  
Quintar dad experienzas da nosssa vita.



E lura, verer in cudeschs dad istorgias co chi'd es i cun oters ed otras, per exaimpel cul pitschen elefant cotschen rösa chi d'eira üna jada fich trist e co chi til giaiva darcheu bain.



Plan d'Instrucziun: NMG. 11.1./2.

Heute bin ich, Mies van Hout  
Wie der kleine rosa Elefant, M. Weitzel

1./2. classa : Corina, Damian, Elin, Gianna, Levi, Max, Mias e Nevin.  
Etica, religiuns e cumünanza cun Silvia Schlegel





# GUARDEZ

Ûn di ha il falcun giavüschè a la falcuna da dvantar sia duonna. «Hast tü insomma amis?», til ha ella dumandà. «Na, mia chara», ha respus il falcun, «eu nun ha amis.» «Amis sun importants», disch la falcuna. «Eu at marid pür cur cha tü hast chattà ün pèr buns amis.» Uschè cumainza l'istorgia our dal buddhissem cha nus vain trattà. In seguit ans vaina dumandats che chi ha tuot da chefar cun amicizcha e vain fat quist **ABCdarium**.



**L'ABCdarium** es üna metoda dal «scrivere creativ» per approfondir discuers. Mincha scolar/a ha gnü d'argumentar perche cha sia carta ha da chefar alch cun amicizcha. I's po eir fuormar gruppas da cartas o metter in lingia tenor importanza. Quai dà bler da discuter! Provai eir vus!

5./6. classa Ardez: Alia, Alessia, Andri, Fabrizio, Saskia, Simon ed Ursina.  
Magistra per etica, religiuns e cumünanza: Silvia Schlegel



## Chüra d'uffants

Il bsögn per chürar ils uffants eir our dal temp da scoula crescha na be in Svizra, ma eir in nosa regiun. La canorta chi chüra uffants plü pitschens, ma eir la chüra d'uffants Engiadina Bassa cun lur famiglias da di sun etablidias ed hoz indispensablas. La ledscha da scoula prescriuva üna maisa da mezdi ed üna chüra d'uffants dadour il temp da scoula scha'l bsögn es avant man. La scoula da Scuol examinescha minch'on il bsögn in tuot las fracziuns ed agischa lura tenor las annunzchas. Ushè spordschaina fingià divers ons üna maisa da mezdi a Scuol, ma eir sü Ftan s'haja gnü per duos ons la pussibilità dad ir cumünavelmaing a giantar. Quella spüerta nun ha hoz però plü uffants avuonda per gnir manada inavant. Daspö l'avuost passà vaina cumanzà cun ün proget pilot per metter ad ir üna chüra d'uffants chi spordscha daplü co be maisa da mezdi. Pel mumaint spordschaina a Scuol per uffants da scouline e da prüma e seguonda classa duos dis da chüra ingio cha'ls uffants pon passantar là eir il davomezdi. La spüerta vain fin in uossa dovrada fich bain ed i para cha la dumonda davu simlas structuradas da chüra crescha. Ma laschain gnir a pled a las manadras da la chüra d'uffants da la scoula da Scuol chi han fat lur prümas experienzas:



Daspö l'avuost 2020 spordscha la scoula Scuol üna chüra d'uffants. La structura da di cun üna maisa da mezdi es in quista prüma fasa da pilot previssa pels uffants da la scouline e da la 1. e 2. classa e quai adüna il lündeschdi e la gövgia. I'ns fa grond plaschair da pudair sustgnair ils genituors cun lur uffants cun quista spüerta supplementara. La chüra vain manada da Claudia Rossi chi vain sustgnüda da Lina Florineth e dad Ursina Stecher.

Las localitäs as rechattan in ün'abitaziun cumadaivla in vicinanza da la scouline. Las 3 stanzas vegnan dovradas differentamaing. No vain üna stanza creativa, üna per star pachific ed il local plü grond vain dovrà per far gös in cumpagnia.

La maisa da mezdi vain organisada insembel cun la Chasa Puntota ingio cha nus vain a disposiziun ün local grond per mangiar. La spassegiada cumünai vla sün Chasa Puntota giodan ils uffants. I dà adüna alch per scuvrir e da baderlar. Quia vegnan insembel eir ils scolarians da las otras fracziuns.

Las muossadras accumpognan la maisa da mezdi e pisseran per ün rom familiar. Ils uffants güdan a metter maisa, a dar

oura las mangiativas ed a rumir sü. Davo han els temp liber fin cha no chaminain darcheu aval.

Ils üns han scoula o scouline il davomezdi, ils oters van directamaing davu il giantar illa chüra. Il davomezdi pels uffants chi sun illa chüra es organisà individualmaing. Ils uffants structureschan lur temp plütost sulets. Nus tils sustgnain in lur gös. Scha l'ora permetta eschan nus dadoura fin cha'ls uffants da la scoula e scouline vegnan darcheu illa chüra. Tuornats inavo preparaina tuots insembel üna buna marena. Fin chi'd es darcheu temp dad ir a chasa, vain zambrià, fat lezchas, pitturà, giovà ed i vegnan quintadas istorgias. Per no esa important, cha'ls uffants as saintan bain ed hajan plaschair.

Claudia/Lina/Ursina





**Uras d'avertüra da las bibliotecas**

<b>Ardez</b>	
lündeschdi	15:00 fin 16:30
gövgia	19:00 fin 20:00
sonda	16:30 fin 18:00
<b>Ftan</b>	
mardi	16:00 fin 17:30
gövgia	19:00 fin 20:00
sonda	16:00 fin 17:30
<b>Scuol</b>	
lündeschdi	16:00 fin 18:00
	19:30 fin 21:00
marcurdi	09:00 fin 11:00
	19:30 fin 21:00
venderdi	16:00 fin 18:00
sonda	16:00 fin 17:30
<b>Sent</b>	
lündeschdi	16:30 fin 17:30
gövgia	19:00 fin 20:00
sonda	16:30 fin 17:30

**Arrandschamaints specials**

**Musical da las scoulinas Sent e Scuol**

Per pudair maridar la princessa esa da cumbatter cunter il dragun.....mo quista vouta vaja tuot oter.  
La scoulina da Sent e las scoulinas Girun e Squilat da Scuol invidan a quist musical.

**Scuol :** 15 avrigl 2020 las 19:00 in sala cumünala  
**Sent :** 17 avrigl 2020 las 19:00 in scoula

**Scoula da Scuol**  
22 avrigl 2020 musical da la 3. e 4. classa cul titel «Il compot da maila» las 19:00 in sala cumünala a Scuol

**Scoula da Sent**  
16 marz 2020 prelecziun publica dad Arno Camenisch

**Scoula da Tarasp**  
mità favrer 2020 olimpiada d'inviern per noss scolars e nossas scolaras da la scoula primara e da la scoulina  
mità mai 2020 dis da proget «crescher»

**Scoula Ardez / Guarda**  
20 - 24 avrigl 2020 proget d'architettura

Ils programs da l'on vegnan adattats tenor bsögn illa pagina d'internet [www.scoula-scuol.ch](http://www.scoula-scuol.ch)



**Plan da scoula 2020**

Scoula	Vacanzas
06.01.2020 - 29.02.2020	01.03.2020 - 09.03.2020
10.03.2020 - 01.05.2020	02.05.2020 - 17.05.2020
18.05.2020 - 26.06.2020	27.06.2020 - 16.08.2020
17.08.2020 - 09.10.2020	10.10.2020 - 25.10.2020
26.10.2020 - 22.12.2020	23.12.2020 - 06.01.2021*

\* Il Nadal da scoula ha lö a Sent ils 24 da december (gövgia)

**Üsanzas**

Ftan	Scuol
01 favrer 2020 Schüschaiver	10 schner 2020 Pangronds
28 favrer 2020 Talocs	01 favrer 2020 Hom Strom
29 favrer 2020 Chalandamarz	29 favrer 2020 Chalandamarz
22 dec. 2020 Nadal da scoula	22 dec. 2020 Nadal da scoula

Sent	Tarasp
29 favrer 2020 Chalandamarz	29 favrer 2020 Chalandamarz
24 dec. 2020 Nadal da scoula	21 dec. 2020 Nadal da scoula

Ardez	Guarda
01. marz 2020 Chalandamarz	29 favrer 2020 Chalandamarz
** Nadal da scoula	01. marz 2020 Chalandamarz
	** Nadal da scoula

\*\* La data dal Nadal da scoula ad Ardez e Guarda vegn datta cuntschainta plü tard

**Dis da festa**

6 schner 2020	ils trais rais (be la scoula da Tarasp)
10 - 13 avrigl 2020	Pasqua 31 mai - 1 gün 2020 Tschinquaisma
21 - 22 mai 2020	Ascensiu + punt d'Ascensiu 1. nov 2020 Festa da tuot ils Sonchs (be Tarasp)

**Quist chalender rimplazza tuot ils chalenders chi sun gnüts publicats plü bod!**

**Scoula Scuol**

Manader da scoula	Mario Rauch	mario.rauch@miascoula.ch
Secretaria	Gretta Ursina Garcia-Nogler	gretta.garcia@miascoula.ch
		secretariat@scoula-scuol.ch
		Tel. 081 861 27 62
		Tel. 081 861 27 60

Pedel	Elmar Schöpf
Tel. stanza da magisters	081 861 27 63
Uras da büro	lündeschdi 14:00 - 15:15 e gövgia 8:00 - 9:30

**Scoula Sent**

Manader da scoula	Gian Caviezel
Pedel	Silvio Vital
Tel.	081 864 05 52
E-mail	giancaviezel@miascoula.ch
Uras da büro	mardi 15:15 - 16:15 e marcurdi 10:00 - 11:00

**Scoula Ftan**

Manadra da scoula	Martina Näff-Benderer	Tel. 081 860 38 24
Pedella	Raja Schulze	
Tel. stanza da magisters	081 864 09 29	
E-mail	martina.naeff@miascoula.ch	
Uras da büro	lündeschdi 14:00 - 16:00	

**Scoula Tarasp**

Manadra da scoula	Aglia Gallmann	aglaia.gallmann@miascoula.ch
		Tel. 081 864 01 29
Pedella	Seraina Ammann	Tel. 078 764 61 79
E-mail	scoula.tarasp@scuol.net	
Uras da büro	gövgia 14:15 - 15:00	

**Scoula Ardez**


Manader da scoula	Duri Janett	duri.janett@miascoula.ch
Pedella	Marie Luise Taisch	Tel. 079 469 12 03
Tel. stanza da magisters	081 862 23 10	
Uras da büro	gövgia 13:30 - 15:00	



Aint il plan d'instrucziun 21 daja il rom etica, cumünanza e religiuns (ERC). Üna cumpetenza dal ERC es d'explorar e reflectar experienzas fundamentalas, valurs e normas. Las scolaras ed ils scolars san respunder dumondas filosoficas e tillas reflectar. Dürant quistas lecziuns vegna discus differentas dumondas filosoficas. Suotvart chattais duos exaimpels:



Ils uffants badan chi nu dà ningüna resposta dretta, però tuots sun da l'avis chi nun es bel dad esser nosch.



A la fin provaina da chattar üna soluziun, quai es difficil, ün pêr uffants sun da l'avis cha bes-chas ed umans valan istess bler ed ad oters para cha las bes-chas valan dafatta daplü, perquai ch'ellas nun insuos-chan nos ambiant e perquai cha no eschan dependents da las bes-chas (nudritüra). Important esa chi's tratta las bes-chas cun stima.

**E** egualità, emoziuns, elavurar progets  
**T** troclina – eu das-ch far sbagls, tuorta (proget)  
**I** ideals, integraziun, istorgias, imprendder pella vita  
**C** conflicts, curaschi, critichar positiv, cool, coccas  
**A** argumantar, ambiaint, amur, avair success



### Etica vs religiun

Illas uras d’etica imprendaina tanter oter **sur da** religiuns.  
 Illas uras da religiun gnin no instruits **in** religiun.

### Che es istess? O forsa istess different?

Bler es fich sumgliaint. No nu savain minchatant ingio metter ils fögls e stuvain dumandar: “Tocca quist pro etica o pro religiun?”

In tuots duos roms daja bler temp per interessantas discussiuns.

Ils temas in etica sun plü variats e nu trattan adüna da Dieu e Gesu. Ma las istorgias our da la Bibla trattan temas chi vegnan avant eir in etica.


Pel mumaint ans dedichaina al tema **festas religiosas**. Duos scolars da la segunda classa muossan lur lavur.

Mia festa prediletta es Nadal.  
 Eu n’ha jent cur ch’id es naiv sut prà.  
 Vegn insombel, tuot la famiglia.  
 Nus drivin ils regals. Nus mangian  
 insombel. I dà bun da mangiar, fondin  
 da charn. Uschè festagian nius Nadal.



### Cumünanza

Vers la fin da november “ils gronds” invidan “ils pitschens” da la prüma e segunda classa a giovar gös da cumpagnia. Quist inscunter es fingià bod üna tradiziun e plascha fich bain a tuots.



## Etica, religiuns e cumünanza

Als 17. Mai 2009 han ils votants dal Grischun decis dad introdüer üna lecziun religiun confessiunala ed üna lecziun etica e cugnuschentschas da religiuns na confessiunala. Quai d'eira üna reacziun al svilup da la società, cun adüna daplü persunas chi nu sun plü commembras dad üna baselgia o chi appartegnan ad ün'otra religiun. Uossa, 10 ons plü tard, s'ha etabli il rom „etica“ illa scoula populara ed ha nom tenor il plan d'instrucziun 21 „etica, religiuns e cumünanza“. Las scolaras ed ils scolars da la 3. secundara s'han fat impissamaints davart quist rom. La 2. reala ha contribui las fotografias.

Etica es per mai blerun massa suotvalütada. Eu chat cha quist rom saja fich important perquai chi s'imprenda blera roba chi's po eir propcha tour inavant cun sai illa vita. Persunalmaing craja cha'l rom etica am güdarà inavant daplü co sch'eu sa our dadoura las fuormlas per far oura il volumen d'ün triangul. Cler chi's douvra eir amo blera otra roba chi s'imprenda, ma quai basescha tuot sün intelligenza, savair e notas. Il meglder ch'eu n'ha imprais aint illas lecziuns d'etica d'eiran « normas e valurs », ed i d'eira il respettar las opiniuns da tschels e da na valütar otras opiniuns, ma da tadlar bain ed improvar da tillas incleger, voul dir sviluppar empatia pels conumans.

### Laila Beluli

A mai para cha blers umans voulan esser socials invers tschels. Etica es tanter oter ün rom ingio chi s'imprenda manieras ed agirs socials. A mai daja be da buonder perche cha etica nun es ingün rom chi's po tscherner aint il rom „individualisaziun“

### Alexander Zanetti

Etica es importanta perquai chi s'imprenda là co cha mincha uman es oter. Mincha uman es ün unikat e reagischa in mincha mumaint co chi para ad el dret. Aint il rom etica as improva d'incleger quai.

### Antea Tönett

Etica es importanta per incleger ad otras persunas e forsa eir per güdar ad oters in tschertas situaziuns difficilas. Etica es eir importanta per incleger otras culturas e per tillas acceptar sco chi sun.

### Lorena Nuotclà

Las lecziuns d'etica chatta important perquai cha là s'imprenda bler co chi's stess cumportar cun oters. I dà hozindi – i'm para – blers creschüts chi's cumportan da maniera pac «faira» invers lur conumans.

Id es propcha bun chi vegn muossà fingià i'l temp da scoula co chi's va intuorn cun otras opiniuns ed oters avis - cun respet ed incletta.

### Bianca Cerqueira Ferreira

Eu chat cha etica e cugnuschentschas da religiuns saja ün rom fich important. Id ans güda inavant illa vita per decider in situaziuns leivas o difficilas. Id ans güda eir per incleger otras religiuns e da tillas tolerar ed acceptar.

### Claudio Regli

